

A U C T O R L E C T O R I .

Physicam inter Geometricamque doctrinam tam arcta est necessitudo, ut apud omnes cultiores viros tanquam vanissimum merito habeatur Physices studium Geometriæ præsidio destitutum. Quæ cum ita sint, nemo mirari debet quod a studiosis adolescentibus, sacræ licet Theologiæ destinatis, Arithmeticæ & Geometriæ elementa requiram; si enim his careant doctrinæ Physicæ adjunctis, fatius est eos huic præclarissimo studio valedicere omnino: *Melius est nihil scire, quam male scire*; tale enim cognitionis, potius dicam ignorantia, genus, mentis aciem hebetat rectumque iudicium corrumpit, & omni studiorum generi nocet plurimum. At me fortasse reprehendent censores aliqui quod nova elementa ediderim, cum nihil fere in orbe litterario frequentius sit Elementorum libris. Neque talem me esse quis sibi falso persuadeat ut de aliis elementis minus laudabiliter sentiam, huncque meum libellum supra alios omnes extollam, quod tamen a plerisque Elementorum auctoribus nimis arroganter factum video. Et quidem variis Elementis ratione licet & methodo diversissimis suam justam laudem concedendam esse facile quisque fatebitur, si varias attenderit adolescentum condiciones atque voluntates. Alii sublimiorem Physicam Mathesimque universam addiscere, & funditus haurire sibi proponunt; alii autem aliis